

COMUNICATO n. 786 del 04/04/2025

Ver za krieg de zeitler hòts zait finz as de vifzena van moi, men miast lai omport gem en laichta vrong as de sait Yoalin

De jungen kennen de alpine regionen pet Arge Alp ont Yoalin: men kònn krieg 150 zeitler Interrail

[Mòcheno] Va Trea't ka Innsbruck ont dòra en de Schbaiz verpai ver Munchen, finz ka Lione ont bider zaruck turch Milan: der doi ist lai oa'n van roasn as men mu mòchen pet an oa'zege zeitl Interrail as geat en 33 Lander ont 30.000 platz pet an oa'zege zuch pass, turch de alpn regionen. En projekt Youth Alpine Interrail (Yoalin) va de International Kommission ver en Schutz van Alpn (CIPRA) s hòt prais ver junga as hom tschbisen de 18 ont de 27 jor, 150 zeitl Interrail ver en summer 2025: simsk van doin zeitler sai' kemmen gem en Arge Alp, de òrbet gamoa'schòft as zòmmhop de zeichen alpn lander. Der zil ist der sèll za mòchen prauchen mear de òllgamao'mittln, enviretrong de verkehr mittln as derhòltn de umbèlt ont learnen en de jungen as bichte ist prauchen va jung envire.

Ver za toalnemmen en prais ver za krieg de zeitler ist meglech omport gem en oa'vocha vrong en adress www.yoalin.org van 2 van oberel finz as de 15 van moi 2025. Abia "promozione early bird", barn kemmen austscherlt 50 van zeitler zbischn de kandidatn as barn se innschraim vour en 21 van oberel 2025. De gabinner barn kemmen pfrok za toalnemmen en trèffn en de alpine region ver en projekt.

De lait as roasn va Yoalin barn nètz tea' meing ont verglaichern se bail en de naikait van u'vong van projekt, va de 14 finz af de 16 van prochet en Poschiavo (Schbaiz) en mearera trèffn en de Alpnlander. De barn enkorasiart kemmen za nemmen au de dinger as de tea' en letratn ont topiacher, asou as de eppes aktiv ver en projekt tea'. De peistn paitroger barn an prais krieg en an konkurs, as de leiste naikait af de 24 ont 26 van schanmikeal 2025 en Bern vinnen bart. Zeichen toalnemmer van regionen Arge Alp barn de moglechkait hom za stelln vour de dinger as de gatu' hom bail en Forum Eusalp va de 25 van òlderhaileng 2025 en Innsbruck.

De toalnemmer barn guata rotn ver de roas krieg va de gamoa'schòft va ex roaser va Yoalin, as abia viarer oder roaskamaròtn en a toal platz òrbetn barn, ont derzua barn sa nochrictn krieg as af de sait <https://www.yoalin.org/> sai'.

Yoalin ist a naikait va de CIPRA - Internazional Kommission ver en Schutz van Alpn ont van sai' Konsultivrot van jungen, en gòng za kemmen paut van 2018. Derzua en Arge Alp, der projekt ist untermittelt pet en gèlt van saitn va de Konvention van Alpn en de Schbaiz ont Osterrach ont va de Fondazione Clima Now. Arge Alp hòt toalganommen en projekt van 2021 ont van 2022. De u'vongnaieket va Yoalin hòt se gahòltn en Landeck en 2022 en rom van visk jor va de tirolerpresidenz.

Arge Alp ist an òrbetgamao'schòft augòngen as de 12 van schanmikeal 1972 ka Mösern en Tirol, pet en zil za vournemmen ont untermitteln de òllgamao' nutz as enteressiarn ungefèr 25 milionen va lait. S nemmen toal en Arge Alp s Taitschlònt pet en Vrai Stòtt va de Baviera, s Osterracht pet de Länder Vorarlberg, der Tirol ont Sòlzburg, s Batschlònt pet de autonome Provinzn va Poazn ont Trea't ont de Region Lombardia, de Schbaiz pet de Cantoni Grigioni, San Gallen ont Ticino.

Derzua: plakat

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)